


佛本行集經

牙三十三

二百九十九
所三

49738



佛本行集經卷第三十二

隋天竺三藏法師闍那崛多譯

梵天勸請品下

尔時世尊作如是念我所證法此法甚深難見難知如微塵等不可覺察無思量處不思議道我無有師無巧智匠可能教我證於此

法但衆生輩著阿羅耶

隋言所著處

樂阿羅耶

阿羅耶喜樂著處心多貪故此處難見其處



所謂十二因緣十二因緣有處相生此之處

所一切衆生不能覩見唯佛能知又一切處

疑道難捨一切邪道滅盡無餘愛之染處盡

皆離慾寂滅涅槃我今雖將如是等法拘於

他說彼諸衆生未證此法徒令我勞虛費言
說今時世尊如是念已爲於此事昔未曾聞
未從他得未有人說而心自辨即說偈言

我今辛苦證此法 不可輒尔即應宣

諸慾癡瞋恚法纏 一切衆生有此難

唯應逆流細心智 所可覩見如微塵

樂慾貪著難見知 爲彼無明闇覆故

以如是故如來見是甚深事已其心欲樂阿

蘭若處不欲向他說於此法而有偈說

見諸衆生煩惱重 邪道邪見過患多

解脫法者甚深難 知故欲住阿蘭若

今時娑婆世界之主大梵天王在於梵宮遙

見世尊發如是心知已。即作如是思惟。此世
界中諸衆生等。多壞多失。今日如來。多陀阿
伽度阿羅呵三藐三佛陀。既證如是無上法
寶。獲成辦已。世間未知。而心忽然願樂。蘭若
不欲說法時。梵天王譬如壯士。屈伸臂頃。從
天梵宮隱身來下。至世尊前。頂禮佛足。却住。

一面合掌向佛。而白佛言。善哉世尊。今此世
界一切衆生。無有歸依。善壞失盡。今者世尊
既得如是無上法寶。真證見已。而心忽欲入
阿蘭若。不樂說法。我今勸請無上世尊。爲諸
衆生。莫寂靜住。唯願世尊慈悲說法。願修伽
陀。憐愍說法。現今多有諸衆生。輩少於塵垢。

諸根成熟結使微薄利根易化不聞法故自
然損減若當如來爲說法要使得證知世尊
法相尔時娑婆世界之主大梵天王說是語
已復更以偈重請佛言

世尊今在摩伽國
先開甘露妙法門
如人不上須彌頂
大聖菩提道已成
引導群盲令離苦
世尊疾捨此樹間
自得已利天人勝
佛不增減諸善根

說於衆生雜種因
然後次第清淨說
豈能得見世界邊
速登法堂智眼照
悲愍一切諸衆生
遍世遊行廣濟度
諸苦盡已得清涼
到於清淨法彼岸

如來世間無有比
三界獨步稱世尊
於苦世間作悲愍
具諸德力無畏人
衆生久來被毒箭
值遇世尊應拔除
諸天及人生生世
彼願世尊今已成
世尊如我今得見
或他聞已及自聞
假令父母男女等
而不憂彼命終時

況欲勝上亦復無
脩羅非是山王匹
仁今不可捨衆生
唯尊能度諸含識
所謂天人等世間
願為彼作歸依處
發心欲聽密法門
速說莫令彼等退
衆生若當是事知
即來頂禮世尊足
死已骨散髮縱橫
亦不迴哭彼人輩

彼等未知尊清淨
是故我今請世尊
不聞正義無量劫
如乾土地得水澆
諸佛無有慳惜法
過去諸佛入涅槃
尊今亦是祁羅種
共彼諸佛無有殊
開諸衆生清淨眼
入於邪見荆棘林
乘此路已得甘露
餘人濟拔悉不能

從兜率天來下生
多時失路今化取
如羸瘦人得脂腴
唯願世尊降法雨
三世諸聖樂行檀
無不說是正真法
能度無量諸衆生
教衆善法今時至
普令得見正道途
應示純直離險徑
世尊衆瞽欲墮坑
大險引導世尊是

又能方便教發意
共聖多劫不可期
諸佛出世既難遇
仁於精進力無邊
未說無有發心者
三世成就是事來
度他須起精進力
世尊滅暗然諸明
時至妙言說正法
我請如來置法船
世尊已度煩惱海
譬如人得伏藏財

今時已至願莫辭
猶如優曇華難值
今日忽遭大導師
身體莊嚴衆相具
金口終不出異言
所以今日自度訖
真實言誓宜及時
佛大法幢願速豎
師子吼如天鼓鳴
來世得道無量衆
衆生沒溺須出之
持以富他不獨用

世尊得法無盡藏

願為衆生分別宣

尔時世尊聞梵天王勸請偈已為衆生故起
慈悲心以佛眼觀一切諸世佛眼觀已見諸
衆生生於世間增長世間或有利根或有鈍
根諸衆生等或以成就易證於道或有衆生
見未來世一切過患心生恐怖而不放逸或
當來世亦可得道譬如或有青優鉢池波頭
摩池拘物頭池分陀利池其內所有一切諸
華或優鉢羅及波頭摩并拘物頭分陀利等
已從地生而未出水在於其間沒而未現應
須養育四大和合然後出水或有優鉢分陀
利等從地湧出共水齊平或優鉢羅分陀利

等出水開敷而不著水如是如是世尊佛眼
觀諸世間一切衆生生於世間增長世間或
有利根或有鈍根或有易化或易得道如是
知已向梵天王而說偈言

大梵天王善諦聽
若有聽者歡喜來

我今欲開甘露門
至心聽我說法味

尔時梵天聞此偈已作是思惟如來世尊當
說此法修伽陀當欲說此法世尊憐愍爲我
受請欲說法故以是因緣心生歡喜踴躍充
遍不能自勝頂礼佛足圍遶三匝在於佛邊
沒身不現

尔時世尊作如是念我今於先初說法處誰

能不違一如我意知我法躋而證知已不惱
於我

尔時世尊作如是念其優陀羅迦羅摩子心
應巧智辯了聰明長夜成就其心雖復少有
塵垢諸使結薄根熟智利我今應當於優陀
羅迦羅摩子對於其前先為說法我所說法
彼能速疾證知我法

世尊如是思惟念已時有一天在於空中隱
身不現來向佛所而出聲言迦羅摩子其命
終來已經七日世尊更復內心智見優陀摩
子實命終來已經七日

世尊復念優陀摩子命終已後當生何處而

世尊心復生智見優陀摩子命終生於非非
想天

尔時世尊復如是念非非想天壽命幾許有
邊際不是時世尊心生智見非非想天壽命
八万四千大劫

尔時世尊復如是念優陀摩子生非非想彼
壽終後復生何處

尔時世尊心生智見知優陀羅迦羅摩子今
在非想彼處命終後還墮落生於此處受飛
狸身而彼既得飛狸身已若有衆生生於水
中或居陸地或空飛行常當殺害於彼生命
或復共彼諸衆生等行於慾事報盡於後飢

餓而死

尔時世尊復心思惟其優陀羅迦羅摩子捨
飛狸已復受何生

尔時世尊心生智見知優陀羅迦羅摩子從
飛狸身命終已後生於地獄

尔時世尊心復如是思惟念言嗚呼嗚呼汝
優陀羅迦羅摩子空然受身失於大利不得
人間妙好善報而優陀羅迦羅摩子不得聞
我如是善法若優陀羅迦羅摩子得聞如是
諸善法者即應速得證於此法

尔時世尊復如是念我今為誰初說此法我
說法時不違我法不煩惱我而能速疾證於

我法

尔時世尊内心如是思惟而知其阿羅羅迦
羅摩種極巧智慧聰明細心長夜成就雖少
有垢結薄利根我今應當詣於彼間阿羅羅
迦羅摩種邊初說此法彼若得聞我所說法
其必速疾應當證知

世尊如是思惟念已時有一天隱身不現往
世尊所而出聲言彼阿羅羅迦羅種姓昨日
命終

尔時世尊心生智見知阿羅羅迦羅種姓昨
日命終

尔時世尊復如是念阿羅羅種從此命終受

何處生

尔時世尊内心生智知阿羅羅此處命終生不用處

尔時世尊復如是念不用處天壽命多少有於限量邊際以不

尔時世尊内心智見知不用處壽命有邊六万三千大劫壽命

尔時世尊復如是念其阿羅羅不用處天命終已後復何處生

尔時世尊内心智見知阿羅羅從不用處命終已後還墮於此處在邊地不識法處當得作王

尔時世尊復如是念其阿羅羅從無識沒邊地之王命終已後復受何生

尔時世尊内心智見知阿羅羅從邊地王其命終後墮大地獄

尔時世尊如是思惟嗚呼嗚呼汝阿羅羅迦羅種姓空受人身大有所失不得善利而不聞我如是妙法若彼得聞我是法者即應速疾得證此法

佛本行集經轉妙法輪品第三十七上

尔時世尊作是思惟諸世間中有何衆生身口清淨少塵少垢諸結使薄根熟利智而我今初說法之時不惱於我而能速疾證知我

法不妨廢我轉於法輪

尔時世尊如是思惟有五仙人彼五仙者昔日與我大有利益我在苦行承事於我彼等五仙並皆清淨少垢少塵薄使利智彼等堪能受我最初轉於法輪所說妙法應不違我我今應詣彼五仙邊初爲說法

尔時世尊復如是念彼等五仙今在何處是時世尊以淨天眼過於人眼觀彼五仙今日在彼波羅捺城鹿野苑內經歷遊行

尔時世尊從菩提樹隨多少時住已漸向波羅捺國而有偈言

世尊欲說羅摩子

發心觀察其所生

知今命終在於天

心念五仙欲至彼

尔時魔王波旬見佛欲捨於此菩提樹起心
生苦惱速詣佛所到佛所已而白佛言善哉
世尊唯願世尊莫離此處安坐莫移世尊在
此隨意所行

尔時世尊告波旬言魔王波旬汝無慙愧不
知羞耻汝於先時欲惱亂我我於尔時具有
貪欲瞋恚癡等一切未盡汝來不能惱亂於我
况復今日我已證得無上至真平等覺道一
切邪徑盡皆捨離得正解脫

尔時世尊從道樹下起已安庠漸漸行到旃

陀羅村

隋言嚴熾

從旃陀羅安庠行至純

之詢

陀

私洩

他梨反

羅聚落

隋言無角拋

中於其路上見有

一乞婆羅門名優波伽摩

隋言來事

兩逆相逢彼

見佛已即白佛言仁者瞿曇身體皮膚快好

清淨無有垢膩仁者面白圓極莊嚴諸根寂

定仁者瞿曇師為是誰從誰出家意喜所樂

是於誰法

今時世尊隨行隨說以於此偈答彼乞索婆

羅門言

我已降伏諸世間

成就具足種種智

於諸法中不染著

永脫一切愛網羅

能為他說諸神通

是故名為一切智

我今堪受世間供

自在得成無上尊

一切天人世界中

唯我能降諸魔眾

我無有師內自覺

世間更無與等雙

天人中唯我獨尊

身心清淨得解脫

一切通處皆通達

所可證處已證知

可定之處已得安

故稱我為世尊上

猶如分陀利在水

雖復處在於水中

而不為水之所沾

我在世間亦復亦

不為一切世所汙

是故稱我為佛陀

尔時優波伽摩婆羅門復白佛言長老瞿曇

今欲何去世尊報彼婆羅門言我今欲向波

羅捺國彼婆羅門復問佛言長老瞿曇仁者

至彼欲作何事世尊更復以偈答彼優波伽

摩婆羅門言

我今欲轉妙法輪

故至於彼波羅捺

幽冥衆生悉今曉

擊唱甘露鼓之門

今時優波伽摩婆羅門復白佛言如我意見

長老瞿曇自稱身得阿羅漢者伏諸煩惱其

義云何世尊復更以偈重答於彼優波伽摩

婆羅門言

應當知我伏諸怨

永盡一切諸有漏

世間諸惡法皆滅

故我稱為真正尊

而有偈說

何恠得利自養育

不能增長利益他

見衆幽瞑不慈悲

得道勝他共分用

自度彼岸觀沒溺

若不能拔非善人

自得地蔵見貧窮

而不施他是非智

手自執持甘露藥

見有病人不與治

可畏曠野得路行

觀彼迷人應教示

如大闇燈作光照

明盛不著在我心

佛亦如是作法光

於此因緣亦不著

尔時優波伽摩乞婆羅門口唱言謂長老瞿

曇以手拍脛下道避佛向東而行

尔時彼處有一天神往昔舊與優波伽摩婆

羅門身曾為親舊天神欲為優波伽摩乞婆

羅門作利益故作安樂故於無畏處得解脫

故以偈告彼優波伽摩婆羅門言

今值無上天人師

不識世尊至真覺

邪見赤體欲何去

汝當受苦未期殃

若逢如是調御師

捨之不發供養者

手足與汝何功德

應當於此生信心

尔時世尊安庠漸行從周蘭那娑他羅去

是即

無角

至迦蘭那富羅聚落

隋言耳城

從迦蘭那富

羅聚落安庠而去漸漸而至娑羅洩聚落

隋言

調御

從娑羅洩聚落而去至盧醯夕柯蘇瓊

聚落

隋言閉塞城

從閉塞城至恒河岸到河岸已

詣船師邊至已即語彼船師言善哉仁者乞

願度我向於彼岸船師報言尊者若當與我

度價然後我當度於尊者

尔時世尊報船師言我今何處得有度價但我除斷一切財寶設復見者觀如瓦石土由無殊苦當有人割我一臂又以旃檀塗我一臂此二人邊我心平等我以是故無有度價船師復言尊者若能與我度價我今即當度於尊者所以者何我唯因此持用活命畜養

婦兒

尔時世尊以淨天眼過於人眼見有一群五百飛鴈從彼恒河南岸飛空而來向北世尊見已即對船師而說偈言

諸鴈群黨度恒河
各運自身出己力

不曾問彼船師價
飛空自在隨所之

我今應當以神通

騰空翱翔猶彼鴈

若至恒河水南岸

安隱定住若須弥

時彼船師見佛過已心生大悔如是思惟嗚呼嗚呼我覩如是大聖福田而不知施度至彼岸嗚呼嗚呼我失大利如是念已悶絕倒地而彼船師少時迷荒還得蘇醒從地而起即便馳往摩伽陀王頻頭王邊奏如是事介時摩伽陀王頻頭婆羅聞此事已作如是言凡夫之人云何可知此有神通此無神通是故汝等從今已去凡是一切出家之人來欲度者莫問是非但有來者勿取度價隨意即度介時世尊飛度恒河達到彼岸已從於彼岸復

作神通飛騰而向波羅捺城是時彼處有一

龍池時其龍王名曰商佉隋言螺世尊至彼池

邊而下世尊足步所下之處龍王起塔其塔

因稱名彌遲伽隋言土塔如來在彼經由一宿待

後食時於待時處復起一塔其塔復名宿待

時塔而有偈說

諸佛夜不入人間
要待齋時而乞食

非時行者有大患
是故衆聖候於時

亦時世尊依三摩耶依摩伽陀齋欲到時從

西門入波羅捺城次第乞食於波羅捺乞食

得已從城東門安庠而出既出城外在一水

邊端坐而食食訖澡洗北面而行安詳漸至

向鹿苑林而有偈說

鹿苑鳥獸衆鳴聲

往昔諸聖所居處

世尊身放光明耀

漸至彼苑如日天

尔時五仙遙見世尊漸至其邊見已各各共
相謂言我等要誓諸長老等此之來者是彼
沙門瞿曇釋種向我邊來此懈怠人喪失禪
定以懈怠故全身纏縛而我等輩不須敬彼
不須禮彼不須迎彼不須與彼安置坐處雖
然但且隨其意樂隨其自坐唯憍陳如獨一
人心不同此誓而口不違即便相對而說偈言
瞿曇懈怠今忽來
我等五仙各相契
詳共莫敬莫禮拜
此人違誓不合迎

尔時出尊漸漸近彼五仙人邊既逼近已而
彼五仙各各相與坐不能安忽自違誓各各
欲起譬如奢拘居鳥在鐵網內而外有人放
於大火其網熱故不能安任欲飛欲跳如是
如是彼五仙人見出尊已不覺忽然從坐而
起時五仙內或有鋪設安置坐者或有持水
欲擬洗足或洗足石及革屣者或復有將盛
水盆來或洗足已將於木來擬安脚者或有
迎接三衣及鉢又口唱言善來長老瞿曇安
坐於此鋪上而有偈說

或迎取鉢及三衣
或預鋪設所坐處

或復頂礼佛足下
或持水器及澡瓶

尔時世尊隨其鋪設安座而坐時佛坐已作
是思惟此等一切皆是癡人各各雖發如是
誓言而自相違不依而住

尔時五仙見佛坐已而白佛言長老瞿曇身
色皮膚快好清淨面目圓滿又足光明諸根
寂定長老瞿曇必當值遇妙好甘露或得清

淨甘露聖道

尔時世尊即便告彼五仙人言汝等仙人莫
喚如來為長老也所以者何汝等仙人當來
長夜應值苦患何以故我今以證甘露之法
我今已得甘露之道汝隨我教汝聽我言我
能教示於汝等輩汝隨我語不得乖違若依

我教清淨而行若善男子及善女人正信捨
家剃除鬚髮出家欲求無上梵行盡梵行源
現見諸法自在神通證得行行自能唱我已
斷生死已立梵行所作已辦更不復受於後
世有汝等各當如是自知而有偈說

彼等五仙喚佛姓

世尊恩愍教彼言

汝等心意莫矜高

捨於自慢恭敬我

我慢無慢我平等

我欲迴汝等業因

我已得佛為世尊

為諸衆生作利益

作是語已其五仙人即白佛言長老瞿曇昔
行是行昔求是道昔行是苦不曾得證上人
之法不共諸聖而同智見不得增進況復今

日成就。懶墮失於禪定。懈怠纏身。

尔時世尊再過告彼五仙人言。汝等仙人莫作是言。如來非是懈怠之行。非是失禪。我亦非是懈怠。纏身。汝等仙人。我今已成阿羅呵三藐三佛陀。我今已證得彼甘露。知甘露道。汝等仙人。應受我教。聽於我法。汝等今若受我教。示我能教。誨於汝等輩。汝依我教。莫違我教。行我教法。乃至汝等未來當得不受後有。

尔時五仙復白佛言。長老瞿曇。昔如是行。如是求道。行如是苦。不證上法。不共諸聖。而同智見。乃至懈怠。以纏自身。

尔時世尊三過告諸五仙人言汝等仙人自
知我昔曾為人說妄言以不五仙人言不也
尊者

尔時世尊從口出舌至二耳孔至二鼻孔以
舌拄塞二鼻孔已還復以舌自舐於舌遍覆
其面覆已還縮依舊還置舌本居處安置已
告五仙人言汝等仙人曾自眼見或復耳聞
若人妄語有如是舌神通力不彼等仙言不
也尊者是故汝等莫喚如來以為懈怠如來
亦非失於禪定然我不以懈怠纏身諸仙當
知我今以成阿羅呵三藐三佛陀已證甘露
知甘露道汝等受我教法示誨聽我教法汝

等依我教法而行若不違背其善男子及善
女人欲求解脫捨家出家乃至未來不受後有
余時世尊以如是教誨彼五仙彼仙所有外
道之形外道之意外道之藏皆悉滅隱不現
身上所著之服即成三衣手執鉢器頭髮鬚
鬚自然除落猶如剃來經於七日威儀即成
形容譬如百夏比丘威儀行步坐起舉動如
是而住

尔時世尊即便告彼五比丘言汝等比丘各
各隨分觀察東方時五比丘欲觀東方而見
西方世尊復告汝等比丘隨分各各觀察西
方彼等比丘欲觀西方即見東方世尊復告

汝等比丘觀察北方彼等比丘欲觀北方即
見南方世尊復告汝等比丘觀察南方即見
北方世尊復告汝等比丘觀察上方即見下
方世尊復告汝等比丘觀察下方彼等比丘
欲觀下方即見上方世尊復告汝等比丘隨
分各各觀察餘方彼等比丘欲觀餘方即見
正方世尊復告汝等比丘觀察正方彼等比
丘欲觀正方即見餘方

尔時世尊善能教誨彼五比丘令其內心各
生歡悅使其獲證隨順正理各各歡喜時五
比丘心開意解隨順世尊諮承世尊聽世尊
教隨世尊心不違世尊所說教法聞說諦受

奉侍世尊無暫時捨

佛本行集經卷第三十三

所

蘭若

下而者反

迤匹

正字下正

臍脾

下音俞

荆棘

上音下居力

及險逕

正下居定天

瞽

音古無目

沒溺

下如反

鈍

徒困反

狸

力之反

洩

他梨反

皮膚

下音夫

皀皀

二同

敞

昌兩反

野

上苦反

拍胫

下蒲米反

柯

音歌

兜

丁侯反

土

對一

出

傾反

翺翔

上吾高反

商佉

下丘迤反

澡淥

音早

要誓

音上

漚

下音所

舐

神止反

違

下音殊

駮

上音

斯

下音

